

Gita / Pelegrinaje: Le K.V.W. de La Ila, Badia y San Ciascian inviëia düc a tó pert ala gita/pelegrinaje a Altötting (Bayern) en **merlesc ai 19 de má** cun S.Mëssa zelebrada da Siür Degan. Le prisc (bus + marëna) é de 42.00 € por i scric ite tl KVW y 44.00 € por i atri.

An pëia ia da Pedraces dales 05.30. Prenotaziuns tol sö Alma Valentini (333-676-9105) y Giuvana Clement (0471-839772)

“Denuncia dei redditi”: cun osta firma sön la “denuncia dei redditi” o söl mod. CU podëise destiné l’8‰ ala Dlijia Catolica. Dër bel giulan.

„Pfarrcaritas – Tag“: en sabeda, ai 16.05.2015 dales 09:30 inant a Lichtenburg. Se prenoté cina ai 30.04.2015 pro una dles Dienststellen dla Pfarrcaritas (a Bornech al nr. 0474/414064).

Post de laur: la Comunité Comprensoriala Val de Puster scrí fora un concurs publich por titui y ejams por les suandëntes inciaries:

3 posc a tëmp indeterminé tla planta organica por personal a puzené cualifiché - inservient tla 2 cualifica:

- 2 posc a tëmp parzial (60 % y 30 %) grup linguistich todësch y
- 1 n post a tëmp parzial (50%) grup linguistich ladin (tla Spona a Pidrô).
Dé jö les domandes cina ai 29.04.2015 dales 12.00. Infos tl ofize dla Comunité - tel. 0474/412942 e-mail: personalamt@bzgput.it

Jun a pe cun l’KVW: en mercui, ai 29.04.2015 mët man les gites da d’isté. Jun a Schenna a fá le “Waalweg” y düc é inviá. La coriera pëia ia da Pedraces dales 07:30. Prenotesse pro laco al nr. 0471/839772.

Cursc de inglesc: l’KVW de Badia organisëia ciamó 2 cursc che mët man ai 04.05.2015 te biblioteca a Pedraces. Informaziuns y prenotaziuns al nr. 0471/839657 o 333/1591599 (Cristina).

Prighi por la fede: *i proi dla valada se stá cun fistide por l’adejiun de nüscedèi ai “Testemoni de Geova – Zeugen Jehovas”, che s’abina can chiló can dailó. I proi avertësc che chësta “sceta” ne creï nia te Gejü Crist, sciöche Fi de Dî y tan demanco tla Trinité. L’eucaristia y i atri sacramënc ne vëgn da d’èi nia reconesciüs, por alzé fora ma püces mancianzes. Por chi che se lascia ite cun ëi, él dër ri da gní indô lëdi. N ater prigo é les formes de “religiosité esoterica” che infiltrëia les conzeziuns de fede de nosta jënt. Cun de vigni sort de pratiches y de rituai chiron na sodesfaziun dí dejiders dl’anima, dancierá da vigni fede. N’atrasiun particolare vëgn odüda tla reincarnaziun y döt adöm zënza la presënza de n Dî, che é porsona y nes vëgn adincuntra cun amur. Da trames döes chëstes cherdënzes insidioses desson se stravardé!*



Usc dla Cüra **BADIA**

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 22

Edema: 26.04.– 03.05.2015


Vangele dla Dumënia che vëgn - V° de Pasca „B“

Jan. 15,1-8

Te chël tëmp á Gejü dit a sü discepui: lö sun le dër lëgn da üa, y mi pere é le vignadú. Vigni rama che ne porta nia früt te me, táiel ia y vigni rama che porta früt, purifichëiel por ch'ara portes deplü. Os sëis bele purificá cun la parora ch'i ves á dit. Romagnede te me, spo romagni iö te os. Sciöche la rama da üa ne sciafia nia da porté früt da d'ëra instëssa, mo ma sc'ara romagn pro le lëgn, insciö ne sciafiëise gnanca os da porté früt, sc'i ne romagnëise nia te me. lö sun le lëgn da üa, os sëis les rames.

Chël che romagn te me y te chël che iö romagni, chël porta tröp früt; ciodiche despartis da me, ne sciafiëise da fá nia. Chël che ne romagn nia te me, vëgn sciuré demez sciöche la rama da üa y sëcia.

An cöi adöm les rames, les sciüra te füch y ares verd jö. Sce os romagnëis te me y sce mies parores romagn te os, spo periede do döt ci ch'i orëis: i le ci afarëis. Mi Pere vëgn glorifiché te chël, ch'i portëis tröp früt y ch'i diventëis mi discepui.



FUNZIUNS SACRES

26.04. IV. DOMÈNIA de PASCA – Dé mondial dles vocaziuns

- 10.00 Mëssa por la Comunità
14.00 Prozesciun a Oies por perié do vocaziuns
18.00 †to Ilario Valentin - aniversar
†ta Carmela Thaler
vis y †ti de Monica Saning



28.04. Mertesc

- 19.30 †ta Kathi Canins - aniversar
vis y †ti da Ruac
por les püres animes

29.04. Mercui - *Mëssa cun i scolars*

- 07.30 †ti Tone y Angela Campej - aniversar
†ta Maria Piccolruaz de Col d'Anví - aniversar
†ta Paola Valentin da Pransarores

30.04. Jöbia – *Mëssa cun i cresimanc y studënc*

- 19.30 †to Lois Irsara de Jan
†ti Costa da Pransarores
†ti Pitscheider da Reslada

01.05. Vëndres – **S.Ujöp Laurant** / Prüm vëndres dl mëis

- 08.00** †ti Maria y Felice Flatscher - aniversar
†to Davide Valentin
†to Tone Pitscheider
20.00 Devoziun de má (arjignada ca dala Uniun Èles)

02.05. Sabeda

- 16.00 Mëssa a Oies
20.00 Devoziun de má (arjignada ca dala Uniun Èi)

03.05. V. DOMÈNIA de PASCA – S. Florian / Patronn di Stüdafüch

- 10.00 Mëssa por i Stüdafüch con benedisciun de auti/motors
15.00 Festa da Bato
18.00 †ta Rita Tasser Alfarei - aniversar
por fam. Franz y Anna Rudiferia en rengr. a S. Maria
por les püres animes

Dala VITA dla CÜRA

Domènia de oraziun mondiala por les Vocaziuns

La 4° Domènia de Pasca "Domènia dl Bun Famèi" vëgn ince festejada sciöche "Domènia dles Vocaziuns". I un düc dër da **perié** (y rengrazié) por les **Vocaziuns da Prô y de Convënt** y por i **Sorvisc tla Dlijia**. Perian orunse ince aldí nosta cherdada da cristians tl Bato y tla Confermaziun.

La fede ne pó nia gní anunziada y renforzada zënza le sorvisc de tan de porsones y la testimonianza via de vigni cristian. An adora dagnara ince zacai che aministrëia i Sacramënc tla Comunità cristiana.

Porchël é les Cöres de düta la Val Badia che inviëia a tó pert en **chësta domènia**, 26.04.2015 dales 14:00 ala **prozesciun sö Oies**.
siur degan

Orar dles mësses: da má inant sará la mëssa dl mertesc y dla jöbia dales **20:00** y nia plö dales 19:30.

Inviun ince düc ala **devoziun de má**, arjignada ca vigni ota da n ater grup, vigni lünesc y sabeda dales 20:00.

Legio Mariae: en jöbia, ai 30.04.2015 se abina chësc grup por n'ora de oraziun dales 14:00 te dljia. Düc é dër bel inviá.

L'oraziun dl chît é na vedla forma cristiana de oraziun. Chi che se dá jö cun chësta forma de oraziun y la praticheia podará instësc fá l'esperienza, che chësta oraziun sciampla é fontana de na gran pësc y stabilité amesa la büsia dla vita da vigni de.

Sëra de informaziun en jöbia ai 14 de má dales 20:00 tla stüa da Oies cun Gerhard Mahlknecht da Bornech. So maester é siur Peter Dyckhoff che á na gran esperienza de oraziun. Düc é dër bel inviá.

Siur Pire Irsara



En mertesc, ai 28.04.2015 complësc **Maria Castlunger Pedratscher** da Pedraces **85** agn y en domènia, ai 03.05.2015 **Florian Valentini** da S. Linert **85** agn. L'Seniorenclub y düta la Comunità ti aoda dütl'bn, sanité y benedisciun de Dî.